



13. april 2015

Siusinaartumik soraarnerussutisiaqarnermi aaqqissuusseqqinnermut tunngatillugu § 37 naapertorlugu apeqqutit:

Apeqqutit:

1. Inuussutissarsiornermut, Aatsitassarsiornermut Suliffeqarnermullu Naalackersuisoqarfiup tusarniaasitsinermi akissummini siusinaartumik soraarnerussutisiaqarnermi aaqqissuusseqqinnermut tunngatillugu siunnersuut neriulluarpasilluinnartuusooq eqqaavaa. Tamanna tunngavilersorsinnaavisiuk?
2. Inatsimmut siunnersuut Naalackersuisoqarfinnut attuumassuteqartunut qanoq ataqatigiissarneqarsimava, tassunga ilanngullugu piginnaanngorsaqqinnissamut suliffeqarnermullu tunngasutigut annertuumik ilisimasaqarfiusooq Inuussutissarsiornermut, Aatsitassarsiornermut Suliffeqarnermullu Naalackersuisoqarfik.
3. Inuit innarluutillit suliffeqarnermi immikkoortinneqarnissaannut inerteqqummik qulakkeerinnittoqarniarpa?
4. Inuussutissarsiornermut, Aatsitassarsiornermut Suliffeqarnermullu Naalackersuisoqarfik siusinaartumik soraarnerussutisiaqarnerq pillugu tusarniaasitsinermit akissummini siusinaartumik soraarnerussutisiaqarnermi aaqqissuusseqqinnermut tunngatillugu inuit 8-t suliaqartussatut aalajangiunneqarsimasut ilasariaqartut naliliivoq. Taamatuttaaq Isumaginninnermi Naammagittaalliuuteqartarfik tassunga tunngasumik isorisaqarpoq. Siunnersuummut atatillugu kommunini sulisut amerlinissaat pilersaarutigineqarpa?
5. Siusinaartumik soraarnerussutisiaqartut ilarpasui nunaqarfinni najugaqartuupput. Siusinaartumik soraarnerussutisiaqarnermi aaqqissuusseqqinnermut tunngatillugu siunnersuummi nalilerneqarpoq sumiiffimmi periarfissaqanngikkaangat piginnaanngorsaqqinnissaq pinngitsoortinneqarsinnaasoq. Nunaqarfinni inuit sulisinnaasut piginnaanngorsaqqissagaanni suliffeqarnermi peqatit suleqatigalugit nuna tamakkerlugu piginnaanngorsaqqinnissanik pilersitsissagaanni eqaannerusunillu suliffeqartitsissagaanni tamanna qanoq suliniutigineqarniarpa?
6. Maannakkut piviusooq isigalugu piginnaanngorsaqqinnermi eqaannerusunillu suliffeqartitsinerne periarfissat ikiliartortillugit qanoq ilisamik piginnaanngorsaqqinnermi eqaannerusunillu suliffeqartitsinerne periarfissat amerlisarneqassappat?
7. Suliffeqarnermi eqaannerusunik suliffeqarnerit amerlisarneqarnissaannut suliffeqarnermi peqatit oqaloqatigineqarsimappat?
8. Suliffeqarnermi eqaannerusunik suliffinnik amerlanerusunik pilersitsinissami, tassa inunnt immikkut pisariaqartitsisunut ullup ilaannaani sulinissamut naleqqussakkanik pilersitsinissamut anguniakkat iliutsillu tigussaasut suuppat?
9. Nalilerneqarpoq ullumikkut siusinaartumik soraarnerussutisiallit 20%-iisa missaat siusinaartumik soraarnerussutisiamik saniatigut 75.000-iniit 150.000-inut saniatigut isertitaqartuusut. Piginnaanngorsareersunut tamakkiisumik sulisinnaassuseqartunut suliffissaqartitsinissaq eqqarsaatigalugu politikikkut qanoq qulakkeerisoqarniarpa?

Tunngavilersuut:

Siusinaartumik soraarnerussutisiaqarnermi aaqqissuusseqqinnermut tunngatillugu arlalitsigut ersernerluttoqarpoq, taamaattumillu Inatsisartuni ilaasortat apeqqutinik akineqartussanik apeqquteqartariaqarput.

Inuit innarluutillit suliffeqarnermi immikkoortinneqarnissaannut inerteqqummik peqanngilagut. Tamanna inunnut innarluutilinnut, tamakkiisumillu sulisinnaassuseqartunut imaluunniit akunnattumik minnerpaamilluunniit siusinaartumik soraarnerussutisialinnut unammillernartuusinnaavoq.

Siusinaartumik soraarnerussutisiaqarnermi aaqqissuusseqqinnermi inuppaaluit suliffeeruttussaapput, aaqqissuusseqqinnermilu aningaasat karsimiit karsimut allamut nuunneqaannassanngippata, inuit taakkua suliffissaqartinnissaannut iliuuseqarnissaq pisariaqarpoq.

Apeqqutima ullut suliffiusut qulit iluanni akineqarnissaat kissaatigivara.